



詩紀

卷二百八之二頁九
北朝一

詩紀目錄

北朝

魏一百〇卷
之一百八

孝文帝

縣瓠方丈竹堂饗侍臣聯句

節閔帝



詩一首

聯句詩

彭城王勰

應制賦銅鞮山松

孝莊帝



臨終詩

濟陰王暉業

感遇

中山王熙

絕命詩二首

韓延之

贈中尉李彪

劉昶

斷句

蕭綜

聽鍾鳴

高允

羅敷行

答宗欽

宗欽

贈高允

段承根

贈李寶

北齊書卷之五

詠貞婦彭城劉氏

王子喬

悲落葉

北齊書卷之五

胡叟

示程伯達

王肅

悲平城

祖瑩

悲彭城

常景

讚四君

蕭蕭右司馬相如

右王褒

右嚴君平

右楊雄

鹿念

諷真定公二首

董紹

高平牧馬詩

馮元興

浮萍

北朝魏二〇卷之一百九

陽固

刺讒詩

疾倖詩

盧元明

晦日汎舟應詔

李騫

贈親友

溫子昇

從駕幸金墉城

春日臨池

詠花蝶

相國清河王挽歌

白鼻騮

結襪子

安定侯曲

燉煌樂

涼州樂歌二首

擣衣

高孝緯

空城雀

王容

大堤女

王德

春詞

周南

晚粧

祖叔辨

千里思

袁曜

釋奠詩

王肅妻謝氏

贈王肅

陳留長公主

代荅詩

雜曲歌辭

無名氏

阿那瓌

楊白花

雜歌謠辭

無名氏

詰汾歌

咸陽王歌

裴公歌

李波小妹歌

趙郡謠

二拔謠

大陳曲堤謠二首

河東謠

洛中童謠二首

後魏宣武孝明時謠

東魏童謠

府君頌

三王歌

袁祖謠

李謐歌

李謐宣安奉朝郎謠

北朝

齊一百一十卷之

何東謠

邢邵

二外謠

三日華林園公宴

冬夜酬魏少傅直史館

冬日傷志篇

七夕

齊韋道遜晚春宴

應詔甘露詩

賀老人星詩

思公子

魏收

無名

美女篇二首

永世樂

蕭擢歌行

挾琴歌

後園宴樂

喜雨

蕭看柳上鵲

晦日汎舟應詔

月下秋宴

五日

悲庭栢

蜡節

祖珽

望海

從北征

挽歌

裴讓之

有所思

從北征

公館讌酬南使徐陵

裴訥之

鄴館公讌

蕭祗

香茅

和迴文詩

蕭放

冬夜詠妓首

詠竹樂

劉逖

對雨高安

秋朝野望

沐浴温湯泉

清歌發

馬元熙

曠日晚彈琴

盧詢祖

趙郡王配鄭氏挽詞

盧詢

中婦織流黃

高昂

征行詩

從軍與相州刺史孫騰行路難

贈弟季式

鄭公超

送庾羽騎抱

楊訓

群公高宴

袁爽

從駕遊山

荀仲舉

銅雀臺

蕭愨

臨高臺

上之回

飛龍引

奉和濟黃河應教

和崔侍中從駕經山寺

奉和悲秋應令

屏風

奉和元日

奉和初秋西園應教

奉和冬至應教

奉和望山應教

奉和詠龍門桃花

春庭晚望

秋思

聽琴

和司徒鎧曹陽辟疆秋晚

春日曲水

蕭轂

野田黃雀行

陽休之

春日

詠萱草

正月七日登高侍宴

秋詩

顏之推

神仙

古意二首

從周入齊夜度砥柱
和陽納言聽鳴蟬篇

趙儒宗

詠龜詩

陸法和

識詩二首

馮淑妃

感琵琶絃

盧士深妻崔氏

饋面辭

北朝齊二〇卷之一
一百一十一

郊廟歌辭

陸卬等奉詔作

大禘園丘及北郊歌辭十三首

肆夏

高明樂

昭夏樂

昭夏樂

皇夏樂

皇夏樂

高明樂

高明樂

武德樂

皇夏樂

高明樂

昭夏樂

皇夏樂

五郊樂歌五首

青帝高明樂

赤帝高明樂

黃帝高明樂

白帝高明樂

黑帝高明樂

祀五帝於明堂樂歌十一首

肆夏樂

高明樂

武德樂

昭夏樂

昭夏樂

皇夏樂

高明樂

高明樂

皇夏樂

高明樂

皇夏樂

享廟樂辭十八首

肆夏樂

高明登歌樂

昭夏樂

昭夏樂

皇夏樂

登歌樂

登歌樂

始基樂恢祚舞

始基樂恢祚舞

始基樂恢祚舞

始基樂恢祚舞

始基樂恢祚舞

武德樂昭烈舞

文德樂宣政舞

文正樂光大舞

皇夏樂

高明樂

皇夏

燕射歌辭

元會大饗歌十首

肆夏

皇夏

皇夏

皇夏

皇夏

肆夏

上壽曲

登歌三曲

食舉樂十曲

皇夏

舞曲歌辭

文武舞歌四首

文舞辭

文舞階步辭

武舞辭

武舞階步辭

武舞辭

雜歌謠辭

無名氏

勅勅歌

鄭公歌

邯鄲郭公歌

東昏時百姓歌

東魏鄴都謠

東魏武定中童謠

東魏末童謠

北齊文宣時謠

北齊廢帝時童謠三首

白鳧謠

北齊太上時童謠

北齊後主武平初童謠

武平中童謠二首

後主時謠二首

武平末童謠

北齊末鄴中童謠

蘇宋歌

裴讓之歌

陸叉歌

北朝 周一〇卷之一百一十二

明帝

貽常居士

過舊宮

和王褒詠摘花

趙王招

從軍行

滕王道

至涓源

蕭撈

孀婦吟

日出行

勞歌

和梁武陵王遙望道館

上蓮山

宗懔

和歲首寒望

早春

春望

麟趾殿詠新井

宗羈

登渭橋

宇文祖

陪駕幸終南山

康孟

詠日應趙王教

徐謙

短歌行二首

高琳

宴詩

北朝

周二〇卷之三
一十一十三

王褒

關山篇

長安有狹邪行

輕舉篇

出塞

關山月

陌上桑

宗羈

登渭橋

宇文祖

陪駕幸終南山

康孟

詠日應趙王教

徐謙

短歌行二首

高琳

宴詩

北朝

周二〇卷之三
一十一十三

王褒

關山篇

長安有狹邪行

輕舉篇

出塞

關山月

陌上桑

宗羈

登渭橋

宇文祖

陪駕幸終南山

康孟

詠日應趙王教

徐謙

短歌行二首

高琳

宴詩

北朝

周二〇卷之三
一十一十三

王褒

關山篇

長安有狹邪行

輕舉篇

出塞

關山月

陌上桑

遊俠篇

古曲

高句麗

燕歌行

日出東南隅行

墻上難為趨

九日從駕

入朝守門開

贈周處士

別陸子雲

奉和趙王途中五韻

和張侍中看獵

和庾司水脩渭橋

玄圃瀆池臨泛奉和

和從弟祐山家二首

詠鴈

送觀寧侯葬

送劉中書葬

別王都官

送別裴儀同

渡河北

詠月贈人

和殷廷尉歲暮

看鬪鷄

彈棊

從駕北郊

和趙王隱士

始發宿亭

山池落照

詠霧應詔

入關故人別

過藏矜道館

明慶寺石壁

雲居寺高頂

詠定林寺桂樹

釋亡名

五苦詩

人生苦

山病苦

愛離

五盛陰

無名法師

邀徐君墓

尚法師

飲馬長城窟

北朝

庾信

對酒歌

王昭君

結客少年場行

烏夜啼

舞媚娘

燕歌行

老苦

死苦

苦

苦

苦

苦

苦

苦

苦

苦

昭君辭應詔

出自薊北門行

道士步虛詞十首

怨歌行

烏夜啼

揚柳歌

北朝 周四〇卷之
一百一十五

庾信 二

奉和泛江

奉和山池

陪駕幸終南山和宇文內史步武阿十首

和宇文內史春日遊山

遊山 和宇文京兆遊田

奉報寄洛州 奉報窮秋寄隱士

北齊上益州上柱國趙王二首

謹贈司寇淮南公 正旦上司憲府

任洛州酬薛文學見贈別

將命至鄴酬祖正員 將命至鄴

入彭城館 同州還

從駕觀講武 奉報趙王出師在道 詩賜

和趙王送峽中軍 奉和趙王途中五韻

侍從徐國公發下軍行

同盧記室從軍 伏聞遊獵

見征客始還遇獵 奉和闡弘二教應詔

至老子廟應詔 奉和趙王遊仙

奉和同泰寺浮圖

奉和法筵應詔

和從駕登雲居寺塔

和何儀同講竟述懷

奉和趙王隱士

北朝

周五〇卷之一百一十六

庾信

三

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搗衣

預麟趾殿校書和劉儀同

和宇文內史入重陽閣

忝在司水看治渭橋

和王褒

北園新齋成應趙王教

同會河陽公新造山池聊得寓目

登州中新閣

歲晚出橫門

北園射堂新成

園庭

歸田

寒園即目

幽居值春

卧疾窮愁

山齋

望野

蒙賜酒

奉報趙王惠酒

有喜致醉

喜晴應詔 勅自疏韻

同顏大夫初晴

奉和趙王喜雨

和李司錄喜雨 山莊郊行值雪

奉和趙王西京路春日

奉和夏日應令 和樂儀同苦熱

和裴儀同秋日重閣詠園花

西門豹廟 和王少保遙傷周處士

傷王司徒褒 仰和何僕射還宅懷故

送靈法師葬

北朝 周六卷之八

庾信 四

和人日晚景宴昆明池

對宴齊使 聘齊秋晚館中飲酒

奉和瀟池初成清晨臨泛

和靈法師遊昆明池二首

見遊春人 別周尚書弘正

別張洗馬樞

別庾七入蜀

將命使北始渡瓜步江

反命河朔始入武州 冬狩行四韻連句應詔

和王內史從駕狩

入道士館中頌歌

奉和永豐殿下言志十首

率爾成詠

慨然成詠

奉和賜曹美人

和趙王看伎

奉荅賜酒

奉荅賜酒鵝

正旦蒙趙王賚酒

衛王贈桑落酒奉荅

就蒲州使君乞酒

蒲州刺史中山公許乞酒一車未送

荅王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

和穎川公秋夜

詠畫屏風詩二十五首

鏡

梅花

詠樹

閑鷄

應令

杏花

北朝

周七〇卷之一百一十八

庾信

五

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一相見

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看妓

看舞

聽歌一絕

暮秋野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池鴈

詠鴈

忽見檳榔

賦得荷

移樹

奉梨

傷往二首

春日離合二首

和迴文

問疾封中錄

示封中錄二首

秋夜望單飛鴈

代人傷往二首

北朝

周八〇卷之一百一十九

郊廟歌辭

周祀圓丘歌十二首

庾信下並同

昭夏

皇夏

昭夏

昭夏

皇夏

雲門舞

雲門舞

登歌

皇夏

皇夏

周祀方澤歌四首

昭夏

登歌

周祀五帝歌十二首

皇夏

青帝雲門舞

赤帝雲門舞

黃帝雲門舞

白帝雲門舞

黑帝雲門舞

周宗廟歌十二首

皇夏

皇夏

皇夏

皇夏

皇夏

雍樂

皇夏

昭夏

皇夏

皇夏

配帝舞

配帝舞

配帝舞

配帝舞

配帝舞

昭夏

皇夏

皇夏

皇夏

皇夏

皇夏

皇夏

周大禘歌二首

皇夏

昭夏

登歌

燕射歌辭

皇夏

周五聲調曲二十四首

皇夏

宮調曲五首

變宮調二首

商調曲四首

角調曲二首

徵調曲六首

羽調曲五首

雜歌謠辭

無名氏

雜歌謠辭

周初童謠

玉漿泉謠

于公歌

詩紀目錄終

北史文苑傳叙

易曰觀乎天文以察時變觀乎人文以化成天下然則
文之爲用其大矣哉逖聽三古彌綸百代若乃墳素所
紀靡得而云典謨已降遺風可述至於制禮作樂騰實
飛聲善乎言之不文行之豈能遠也是以曲阜之多才
多藝監二代以正其源闕里之性與天道修六經以維
其末用能窮神知化稱首於千古經邦締俗藏用於百
代至哉斯固聖人之述作也逮乎兩周道喪七十義乖
淹中稷下八儒三墨之異漆園叅谷名法兵農之別雖

雅誥奧義或未盡善考其遺跡亦賢達之流乎其離讒
放逐之臣塗窮後門之士道輒軻而未遇鬱抑而不申
憤激委約之中飛文魏闕之下奮迅泥滓自致青雲振
沈溺於一朝流風聲於千載者往往而有矣漢自孝武
之後雅尚斯文揚葩振藻者如林而二馬王楊爲之傑
更京之朝茲道逾扇咀微含商者成市而班傅張蔡爲
之雄當塗受命尤好蟲篆金行勃興無替前烈曹王陳
阮負宏衍之思挺棟幹於鄧林潘陸張左擅侈麗之才
飾羽儀於鳳穴斯並高視當世連衡孔門雖時運推移

質文屢變譬猶六代並奏易俗之用無爽九源競逐一
致之理同歸歷選前英於斯爲盛旣而中州板蕩戎狄
交侵僭偽相屬生靈塗炭故文章黜焉其能潛思於戰
爭之間揮翰於鋒鏑之下亦有時而間出矣若乃魯徵
杜廣徐光尹弼之儔知名於二趙宋該封奕朱彤梁謹
之屬見重於燕秦然皆迫於倉卒牽於戰陣章奏符檄
則粲然可觀體物緣情則寂寥於世非其才有優劣時
運然也至於朔方之地葦爾夷俗胡義周之頌國都足
稱宏麗區區河右而學者拚於中原劉延明之銘酒泉

可謂清典子曰十室之邑必有忠信豈徒言哉泊乎有
魏定鼎沙朔南包河淮西吞關隴當時之士有許謙崔
宏子浩高允高閭游雅等先後之間聲實俱茂詞義典
正有永嘉之遺烈焉及太和在運銳情文學固以頡頏
漢徹跨躡曹丕氣韻高遠豔藻獨構衣冠仰止咸慕新
風律調頗殊曲度遂改辭罕泉源言多習臆潤古彫今
有所未遇是故雅言麗則之奇綺合繡聯之美眇歷歲
年未聞獨得既而陳郡袁翻河內常景晚拔疇類稍革
其風及明皇御曆文雅大盛學者如牛毛成者如麟角

孔子曰才難不其然也于時陳郡袁翻翻弟躍河東裴
敬憲弟莊伯莊伯族弟伯茂范陽盧觀弟仲宣頓丘李
諧勃海高肅河間邢臧趙國李騫彫琢瓊瑤刻削杞梓
並爲龍光俱稱鴻翼樂安孫彥舉濟陰溫子昇並自孤
寒鬱然特起咸能綜採繁縟興屬清華比於建安之徐
陳應劉元康之潘張左束各一時也有齊自霸業云啓
廣延髦俊開四門以賓之頓八紘以掩之鄴都之下煙
霏霧集河間邢子才鉅鹿魏伯起范陽盧元明鉅鹿魏
季景清河崔長儒河間邢子明范陽祖孝徵中山杜輔

玄北平暢子烈並其流也復有范陽祖鴻勳亦參文士之列及天保中李愔陸卬崔瞻陸元規並在中書參掌綸誥其李廣樊遜李德林盧詢祖盧思道始以文章著名皇建之朝常侍王晞獨擅其美河清天統之辰杜臺卿劉逖魏騫亦參詔勅自李愔已下在省唯撰述除官詔旨其關涉軍國文翰多是魏收作之及在武平李若荀士遜李德林薛道衡並爲中書侍郎典司綸綽後主雖溺於群小然頗好詠詩幼時嘗讀詩賦語人云終有解作此理不初因畫屏風勅通直郎蕭放及晉陵王孝

式錄古賢烈士及近代輕豔諸詩以充圖畫帝彌重之後復追齊州錄事參軍蕭愨趙州功曹參軍顏之推同入撰錄猶依霸朝謂之館客放及之推意欲更廣其事又因祖珽輔政愛重之推又託鄧長顓漸說後主屬意斯文三年祖珽奏立文林館於是更召引文學士謂之待詔文林館焉珽又奏撰御覽詔珽及特進魏收太子太師徐之才中書令崔劼散騎常侍張彫中書監陽休之監撰珽等奏追通直散騎侍郎常道遜陸乂太子舍人王劭衛尉丞李孝基殿中侍御史魏澹中散大夫劉

仲威袁爽國子博士朱才奉車都尉睦道閑考功郎中
崔子樞左外兵郎薛道衡并省主客郎中盧思道司空
東閣祭酒崔德立大傅行參軍崔儵太學博士諸葛漢
奉朝請鄭公超殿中侍御史鄭子信等入館撰書并勅
放慤之推等同入撰例復命散騎常侍封孝琰前樂陵
太守鄭元禮衛尉少卿杜臺卿通直散騎常侍楊訓前
南兗州長史羊蕭通直散騎侍郎馬元熙并省三公郎
中劉珉開府行參軍李師上温君悠入館亦令撰書後
復命特進崔季舒前仁州刺史劉逖散騎常侍李孝貞

中書侍郎李德林續入待詔尋又詔諸人各舉所知又
有前通直散騎侍郎辛德源并省右戶郎元行恭太尉
中兵參軍劉儒行司空祭酒陽辟強並入館待詔當時
操筆之徒搜求略盡其外如廣平宋孝王信都劉善經
輩三數人論其才性入館諸賢亦十三四不逮之周氏
創業運屬陵夷纂遺文於旣喪聘奇士如弗及是以蘇
亮蘇綽盧柔唐瑾元偉李昶之徒咸奮鱗翼自致青紫
然綽之建言務存質朴遂糠粃魏晉憲章虞夏雖屬辭
有師古之美矯枉非適時之用故莫能常行焉旣而革

車電邁渚宮雲撤梁荆之風扇於關右狂簡之徒斐然成俗流宕忘反無所取裁夫人有六情稟五常之秀情感六氣順四時之序蓋文之所起情發於中而自漢魏以來迄乎晉宋其體屢變前哲論之詳矣暨永明天監之際太和天保之間洛陽江左文雅尤盛彼此好尚平有異同江左宮商發越貴於清綺河朔詞義貞剛重乎氣質氣質則理勝其詞清綺則文過其意理深者便於時用文華者宜於詠歌此其南北詞人得失之大較也若能掇彼清音簡茲累句各去所短合其兩長則文

彬彬盡美盡善矣梁自大同之後雅道淪缺漸乖典則爭馳新巧簡文湘東啓其淫放徐陵庾信分路揚鑣其意淺而繁其文匿而彩詞尚輕險情多哀思格以延陵之聽蓋亦亡國之音也隋文初統萬機每念斲彫為樸發號施令咸去浮華然時俗詞藻猶多淫麗故憲臺執法屢飛霜簡煬帝初習藝文有非輕側暨乎即位一變其體與越公書建東都詔冬至受朝詩及擬飲馬長城窟並存雅體歸於典制雖意在驕淫而詞無浮蕩故當時綴文之士遂得依而取正焉所謂能言者未必能行

蓋亦君子不以人廢言也爰自東帝歸秦逮乎青蓋入
洛四隩咸萃九州攸同江漢英靈燕趙竒俊並該天網
之中俱為大國之寶言刈其楚片善無遺潤水圓流不
能十數才之難也不其然乎時之文人見稱當世者則
齊人范陽盧思道安平李德林河東薛道衡趙郡李元
操鉅鹿魏澹陳人會稽虞世基河東柳詵高陽許善心
等或鷹揚河朔或獨步漢南俱騁龍光並驅雲路矣

詩紀卷之一百八

北朝 魏一

巡按陝西監察御史太原甄敬 裁正

陝西按察司僉事北海馮惟訥彙編

孝文帝

初姓拓拔氏太和二年改姓元氏諱宏獻文帝太子也恭儉仁孝出於天性好讀書才藻富贍加以雄才大畧愛竒好士遷都洛陽風移俗易北朝之盛未有過之者也

縣瓠方丈竹堂饗侍臣聯句

北史曰兼中書侍郎鄭道昭從征沔北孝文饗臣於縣瓠方丈竹堂道昭與兄懿俱侍坐樂作酒酣孝文乃作歌

白日光天兮無不曜江左一隅獨未照帝願從聖明兮

登衡會萬國馳誠混內一作外雲雷大振兮天門

關率土來賓一正歷鄭懿舜舞干戚兮天下歸文德遠被

莫不思鄭道昭皇風一鼓兮九地匝戴日依天清六合邢

遵彼汝墳兮昔化貞未若今日道風明帝文王政教兮

暉江沼寧如大化光四表宋

節閔帝諱恭字脩業廣陵惠王羽之子也正始中襲爵位給事中黃門侍郎以元又擅權託稱瘡

病絕言一紀及莊帝崩尔朱世隆等廢元暉奉帝即位改元普泰在位一年高歡廢帝而立平陽王

脩是日孝武帝帝遇弒年三十五

詩一首

朱門久可患紫極非情翫顛覆立可待一年三易換時

運正如此唯有脩真觀

聯句詩

帝使薛孝通等相嘲以酒為韵

既逢堯舜君願上萬年壽孝通平生好玄默慚為萬國首

帝

帝曰卿所謂壽豈得徒然便命酌酒仍命更嘲孝通

豎忠為韵

聖主臨萬機享世永無窮元豈唯被豐草方亦及昆蟲

孝朝賢既濟濟野苗又芄芃元君臣體魚水書軌一華

戎帝微臣信慶渥何以荅華嵩通孝

彭城王勰魏獻文帝第六子於孝文帝為兄弟輔相左右忠蓋勳望無與比隆宣武帝時為高

肇讒構所殺及子孝莊帝嗣統追尊為文穆皇帝

應制賦銅鞮山松

北史曰勰從孝文帝幸代都次于上黨之銅鞮山路傍有大松樹十數株帝賦詩示勰曰吾作詩雖不七步亦不言遠汝可作之比至吾間令就也勰時去帝十步且行且作未至帝所而就

問松林松林經幾冬山川何如昔風雲與古同

孝莊帝諱子攸彭城王勰第三子明帝時封武城縣公進封長樂王明帝崩大都督朱榮謀廢

立以帝家有忠顯且兼人望立為帝改元永安後為朱兆所弒年二十四廟號敬宗

臨終詩

伽藍記曰莊帝既誅朱榮右僕射朱世隆至高都立長廣王曄為主遣穎川王朱兆舉兵向京師大軍失利遂執帝還晉陽縊於三級寺帝臨崩作五言詩曰

權去生道促憂來死路長懷恨出國門含悲入鬼鄉

門一時閉幽庭豈復光思鳥吟青松哀風吹白楊昔來

聞死苦何言身自當

濟陰王暉業

景穆帝之曾孫濟陰王小新成之孫也位司空太尉加特進領中書監錄尚書

事北齊初降封美陽縣公後為文宣所殺

北史本傳曰暉業在魏以時運漸日謝不復圖全唯事欽喏嘗賦詩曰

昔居王道泰濟濟富群英今逢世路阻狐兔鬱縱橫

中山王熙

字子真景穆帝之曾孫中山王英之子累遷光祿勳相州刺史初熙兄弟並為清河

王懌所昵及劉騰元又隔絕二宮矯詔殺懌熙乃起兵討之為其長史柳元章等所執入殺之

絕命詩二首

義實動君子主辱死忠臣何以明是節將解七尺身

察

蕭

平生方寸心殷勤屬知己從今一銷化悲傷無極已

右別

知友。北史本傳曰熙既藩王加有文學風氣甚高始鎮鄴知友才學之士表翻李琰之李神雋王誦兄弟裴敬憲等或餞於河梁賦詩告別及將死復與知故書恨志意不遂時人矜之

韓延之

字顯宗南陽堵陽人仕晉位平西府錄事參軍劉裕招之不屈後奔姚興明帝泰常二年入魏為武牢鎮將賜爵象陽侯一云韓顯宗字茂親

贈中尉李彪

賈生謫長沙董儒詣臨江愧無若人跡忽尋兩賢蹤
昔渠閣游策駑厠群龍如何情愿奪飄然獨遠從
痛哭

去舊國銜淚屈新邦哀哉無援民嗷然失侶鴻彼蒼不

我聞千里告志同

劉昶 字休道宋文帝第九子封晉熙王位中書令廢

帝立以為徐州刺史人間言昶有異志帝欲加

誅討昶即起兵統內數郡無應者知事不捷乃奔

魏甚為孝文所禮重遷使持節都督吳越彭楚諸

軍事大將軍鎮徐州卒謚曰明

斷句 南史曰昶兵敗奔魏棄母妻惟携妾一人騎馬自隨在道慷慨為斷句

白雲滿鄣來黃塵暗天起關山四面絕故鄉幾千里

蕭綜 字世謙梁武帝第二子封豫章王普同四年為

都督南充州刺史鎮彭城奔魏歷司徒太尉尚

聽鍾鳴 壽陽公主在魏不得志嘗作

歷歷聽鍾鳴當知在帝城西樹隱落月東窻見曉星霧

露朏朏未分明鳥啼啞啞已流聲驚客思動客情客思

鬱縱橫翩翩孤鴈何所栖依依別鶴半夜啼今歲行已

暮雨雪向淒淒飛蓬旦夕起楊柳尚翻低氣鬱結涕滂

沈愁思無所託強作聽鍾歌 伽藍記曰洛陽城東建陽

舍有鍾撞之聞五十里太后移在宮內置疑閣堂初

梁豫章王蕭綜聞此鍾聲遂造聽鍾歌三首行於世
悲落葉

悲落葉聯翩下重疊重疊落且飛從橫去不歸長枝交
蔭昔何密黃鳥關關動相失夕葉雜凝露朝花翻亂日
亂春日起春風春風春日此時同一霜兩霜猶可當五
晨六旦已颯黃乍逐驚風舉高下任飄颺悲落葉落葉
何時還夙昔共根本無復一相關各隨灰土去高枝難
重攀

高允

字伯恭渤海蓀人少好學博通經史神麈初參
樂平王軍事獻文末授懷州刺史太和二年拜
鎮軍大將軍領中秘書事加光祿大夫歷
事五帝出入三省五十餘年初無譴咎

羅敷行

邑中有好女姓秦字羅敷巧笑美回盼鬢髮復凝膚脚
著花文履耳穿明月珠頭作墮馬髻倒枕象牙梳娉娉
善趨步檐檐曳長裾王侯為之顧駟馬自踟躕

王子喬

王子喬
王少卿王少卿超升飛龍翔天庭遺儀景雲漢酬光鶩
電逝忽若浮騎日月從列星跨騰入廓踰杳冥尋元氣
出天門窮覽有無究道根

答宗欽

十三章○宗
欽贈詩見後

高允為著作郎與崔浩同撰史宗欽贈詩以
相規風允答之——後崔浩竟坐暴揚國惡

與宗欽同被誅允
以太子救得免

湯湯流漢藹藹南都載稱多士載耀靈珠邈矣高族世
記丹圖啓基郢城振彩涼區

吾生朗到誕發英風紹熙前緒奕世克隆方圓備體淑
德斯融望傾群雋響駭華戎
天良堂
響駭伊何金聲允著匡贊西藩拯厥時務肅志琴書恬
心初素潛思淵渟秀藻雲布
上天降命祚鍾有代協燿紫宸與乾作配仁邁春陽功
隆覆載招延隱叟永貽大賚
美回
頌贊
美斯
鼓
管
吹

伊余櫟散才至庸微遭緣幸會忝與樞機竊名華省厠
足丹墀愧無螢燭少益天暉

明外非論信漸難兼體卑處下豈曰能謙進不弘道退
失淵潛旣慚朱闕亦愧閭閻
史班稱達揚蔡致深負荷典策載蹈於心四轍同軌覆
車相尋敬承嘉誨永佩明箴

遠思古賢內尋諸已仰謝丘明長揖南史遐武雖存高
蹤難擬夙興夕惕豈獲恬止

世之圯矣靈運未通風馬殊隔區域異封有懷西望路

險莫從王澤遠灑九服來同

在昔平吳二陸稱寶今也尅涼吾生獨矯道映儒林義

為群表我思與之均於紵縞

仁乏田蘇量非叔度韓生屬降林宗仍顧千載曠遊

茲一遇藻詠風流鄙心已悟

年時迅邁物我俱逝任之斯通擁之則滯結駟貽塵屢

空亦敞兩間可守安有回賜

詩以言志志以表丹慨哉刎頸義已中殘雖曰不敏請

事金蘭爾其勵之無忘歲寒

詠貞婦彭城劉氏

八章

渤海封卓妻劉氏彭城人成婚一夕卓官於京師以事見法劉氏在家忽形夢想知卓已死哀泣不止經旬凶問果至遂憤歎而終時人比之秦嘉妻云高允念其義高而名不著

乃為之詩曰

兩儀正位人倫肇甄爰制夫婦統業承先雖曰異族氣

猶自然生則同室終契黃泉

封生令達卓為時彥內協黃中外兼三變誰能作配克

應其選寔有華宗挺生淑媛

京野勢殊山川乖互乃奉王命載馳在路公務既弘私

義獲著因媒致幣邁止一幕

率我初冠春彼弱笄形由禮比情以趣諧忻願難常影

跡易垂悠悠言邁戚戚長懷

時值險屯橫離塵網伏鎖就刑身分土壤千里雖遐應

如影響良嬪洞感發於夢想

仰惟親命俯尋嘉好誰謂會淺義深情到畢志守窮誓

不二醮何以驗之殞身是效

人之處世孰不厚生心存於義所重則輕結憤鍾心甘

就幽冥永捐堂宇長辭毋兄

茫茫中野翳翳孤丘葛藟冥蒙荆棘四周理苟不昧神

必俱游異哉貞婦曠世靡儔

宗欽

字欽若金城人仕沮渠蒙遜為中書郎
世子洗馬太武平涼州入魏拜著作郎

贈高允

十二章○高允答詩已見

鬼峩恒嶺滉漾滄溟山挺其和水耀其精落茲令族應

期誕生華冠衆彥偉邁群英

於穆吾子含貞藉茂如彼松竹陵霜擢秀味老思冲翫

易體復戢翼九臯聲溢宇宙

我皇龍興重離疊映剛德外彰柔明內鏡乾象奄氣坤

厚山競風無殊音俗無異徑

經緯曰文著述曰史斟酌九流錯綜幽旨常用訓諮明

發虛擬廣闢四門披延髦士

爾應其求翰飛東觀口吐瓊音手揮霄翰彈毫珠零落

紙錦粲墳無疑割典無滯洋

山降則謙含柔爲信林崇日漸明外一作斯進有邈夫

子兼茲四慎弱而難勝通而不峻

南薰邈矣史功不申固傾佞竇雄穢美新遷以陵腐邕

由卓泯時無逸勒路盈摧輪

尹佚謨周孔明述魯抑揚群致憲章三五昂昂高生纂

我遐武勿謂古今建規易矩

自昔索居沉淪西藩風馬旣殊標榜莫緣開通有運閭

遇當年披衿暫面定交一言

諮疑祕省訪滯京都水鏡叔度洗吝田蘇望儀神婉即

象心虛悟言禮樂採研詩書

履霜悼遷撫節感變嗟我年邁迅踰激電進乏由賜退

非回憲素髮掩玄枯顏落舊

文以會友友由知己詩以明言言以通理眇坎迷流覲

良閣止伊爾虬光肆鱗曲水

段承根

威武姑臧人好學機辯有文思崔浩見而奇之言之魏太武請為著作郎甚為燉煌公李

實所敬待後以崔浩撰史事同被誅

贈李寶 七章

世道衰陵淳風殆緬衢交問鼎路盈訪壘狗競爭馳天
機莫踐不有真宰榛棘誰翦

於皇我后重明襲煥文以息煩武以靜亂剖蚌求珍搜
巖采榦野無投綸朝盈逸翰

自昔涼季林焚淵涸矯矯公子鱗羽靡託靈慧集奎林
氛未廓鳳戢崑丘龍潛玄漠

數不常擾艱極則夷奮翼幽裔翰飛京師珥蟬紫闥伏
節方畿弼我王度庶績緝熙

自余幽淪眷參舊契庶庇餘光優游卒歲忻路未淹離
轡已際顧難分岐載張載繼

聞諸交舊累聖疊曜淳源雖滴民懷餘劭思樂哲人靜
以鎮躁藹彼繁音和此清調

詢下曰文辨訐曰明化由禮治政以寬成勉崇仁教播
德簡刑傾首景風遲聞休聲

胡叟

字倫許安定臨涇人以姚氏將衰遂入長安觀風化後入沮渠牧犍不得志乃歸魏賜爵復始男家於密雲倫許好屬文既善典雅之辭又工鄙俗之句

示程伯達

北史本傳曰叟入沮渠牧犍牧犍遇之不重叟乃為詩示所知廣平程伯達其略曰

群犬吠新客佞暗排踈賓直途既已塞曲路非所遵望

衛惋祝鮑盼楚悼靈均何用宣憂懷託翰寄輔仁

王肅

字恭懿琅邪臨沂人仕齊為秘書丞父真及兄弟並為南齊武帝所殺太和中奔魏孝文虛於待之累遷尚書令宣武時尚陳留公主後以破齊進位開府儀同三司封昌國縣侯揚州刺史

悲平城

悲平城驅馬入雲中陰山常晦雪荒松無罷風

祖瑩

字元珍范陽道人孝文時拜太學博士累遷國子祭酒領給事黃門侍郎孝武登祚封文安縣子天平初進爵為伯

悲彭城

北史曰尚書令王肅於省中詠悲平城詩彭城王勰甚嗟其美欲使更詠乃失語云公可更為誦悲彭城詩肅戲勰云何意呼悲平城為彭城也勰有慙色瑩在座即云悲彭城王公自未見肅云可為誦之瑩應聲為之肅甚嗟賞勰亦大悅

悲彭城楚歌四面起屍積石梁亭血流睢水裏

常景

字永昌河內溫人聰敏有才思雅好文章孝文用為門下錄事累遷車騎將軍右光祿大夫

書監明帝幸國子寺詔百官作釋奠詩以景作為
美經涉山水悵然懷古乃擬劉琨作扶風歌十五
首

讚四君

北史曰景淹滯門下積歲不至顯官以蜀司
馬相如玉褒嚴君平楊子雲皆有高才而無
重位乃託
意以讚之

長卿有艷才直致不群性鬱若春煙舉皎如秋月映遊
梁雖好仁仕漢常稱病清貞非我事窮達委天命

右司馬相如

王子挺秀質逸氣干青雲明珠既絕俗白鶴信驚群才

世苟不合遇否途自分空枉碧鷄命徒獻金馬文

右王褒

嚴君情沉靜立志明霜雪味道綜微言端著演妙說才

屈羅仲口位結李強舌素尚邁金貞清標陵玉徹

右嚴君平

蜀江導清流揚子挹餘休含光絕後彥覃思邈前脩世

輕久不賞玄談物無求當途謝權寵置酒得閑遊

右楊雄

鹿愈 字永吉濟陰乘氏人初為真定公元子直國中尉累拜金紫光祿大夫兼尚書右僕射天平中

除梁州刺史為反者
鄭崇業執送關西

諷真定公二首

北史曰念為真定公元子直國中尉恒勸以忠廉之節嘗賦五言詩——子直少有令聞念歆善其終故以諷焉

嶧山萬丈樹雕鏤作琵琶
由此材高遠絃響藹中華

援琴起何調幽蘭與白雪
絲管韻未成莫使絃響絕

董紹字興遠新蔡鮦陽人起家四門博士累遷洛陽刺史介朱天光啓以為行臺從事天光敗賀拔

岳復請為開府諮議參軍孝武西遷除御史中丞及周文登祚以議論朝廷賜死

高平牧馬詩

北史曰紹為賀拔岳諮議參軍岳攜紹於高平牧馬紹悲而賦詩曰

走馬山之阿馬渴飲黃河寧
謂胡關下復聞楚客歌

馮元興字子盛東魏郡肥鄉人少有操尚舉秀才後為元義所知引為殿中郎遷侍讀普泰初為

光祿大夫領中書舍人

浮萍

北史曰元興世寒因元義之勢託其交道相為引用義既賜死興亦被廢乃為浮萍詩以

喻自

有草生碧池無根綠水上
脆弱惡風波危微苦驚浪

草生... 土朝... 風... 燭...

其史曰... 與... 寒... 曰... 心... 樂... 其... 文... 直... 味...

中書舍人...

燕... 興...

去... 山...

去... 山... 同... 淵... 廣... 前... 同... 寧... 關... 丁... 吏... 關... 禁... 客... 烟...

詩紀卷之一百八

詩紀卷之一百九

北朝 魏二

陽固

字敬安北平無終人太和中從大將軍劉昶府法曹行參軍在軍勇決昶奇之言之孝文累遷尚書侍御史明帝即位除尚書考功郎中京兆王繼為司徒辟固為從事中郎解除前軍將軍卒謚

文曰

刺讒詩

北史曰宣武末中尉王顯當權固每直言其過以此銜固又有人間之顯因奏固免官遂闔門自守作刺讒疾嬖幸詩二首

巧倭巧倭讒言興兮營營習習似青蠅兮以白為黑在

汝口兮汝非蝮萬毒何厚兮巧佞巧佞一何工矣司閭
司忿言必從矣朋黨噂喅自相同矣浸潤之譖傾人墉
矣成人之美君子貴焉攻人之惡君子愧焉汝何人斯
譖毀日繁予實無罪何騁汝言番番緝緝纒言側入君
子好讒如或弗及天疾讒說汝其至矣無妄之禍行將
及矣泛泛游鳧弗制弗拘行藏之徒或智或愚維余小
子未明茲理毀與行俱言與釁起我其懲矣我其悔矣
豈求人兮恩怨在已

疾倖詩

彼諂諛兮人之蠹兮刺促昔粟罔顧耻辱以求媚兮邪
干側入如恐弗及以自容兮志行偏小好習不道朝挾
其車夕承其輿或騎或徒載奔載趨或言或笑曲事親
要正路不由邪徑是蹈不識大猷不知話言其朋其黨
其徒實繁有詭其行有佞其音遠蔭戚施邪媚是欽既
讒且始以逞其心是信是任亂是北史作敗其以多其始不
慎未如之何習習宰嚭營營無極梁丘寡智王鮒淺識
伊戾息夫異世同力江充趙高甘言似直豎刁上官擅
生羽翼乃如之人僭爽其德豈徒喪邦又亦覆國嗟爾

中下其親其昵不謂其非不覺其失好之有年寵之有日我思古人心焉若疾百凡君子宜其慎矣覆車其一作

之鑒近可信矣言既備矣事既至矣反是不思維塵及

矣且欲必盡其心矣詩長其論其

盧元明

字幼章范陽涿人涉歷群書兼有文義永安初兼尚書令孝武登阼遷歷尚書右丞相轉

散騎常侍

其車人晦日汎舟應詔封禪本津飲汝言返矣曲事歸

輕灰吹上管落葉飄下蒂遲遲春色華晚晚年光麗

李騫

字希義趙郡平棘人博涉經史文藻富贍位位常侍尚書左丞使梁坐事免後除黃門侍

贈親友

北史曰騫為尚書左丞坐免論者以為非罪騫嘗贈親友盧元明魏收詩蓋失職之志云

幽棲多暇日摠駕萃荒坰南瞻帶宮雉北睇拒畦瀛流

火時將末懸炭漸云輕寒風率已厲秋水寂無聲層陰

蔽長野凍雨暗窮汀侶浴浮還沒孤飛息且驚三禡俄

終歲一九魯未營閑居同洛浹歸身款武城稍旅原思

藿坐夢尹勲荆監河愛斗

一作

水蘇子借餘明益州達

友趣廷尉辯交情豈若竹蓬葦收志偶沉冥

懸炭事見淮南子亦

古候氣之法說林懸羽與炭而知燥濕之氣

温子昇

字鵬舉其先太原人祖避難家於濟陰博覽百家文章清婉熙平初舉高第擢御史孝莊

即位補南主客郎中遷散騎常侍侍中大將軍領本州大中正齊文襄引以為諮議及元瑾荀濟等

作亂文襄疑子昇知其謀下晉陽獄死

從駕幸金墉城

茲城實佳麗飛甍自相並膠葛擁行風岩崑闕流景御
溝屬清洛馳道通丹屏湛淡水成文參差樹交影長門
久已閉離宮一何靜細草緣玉堦高枝蔭桐井微微夕
渚暗肅肅暮風冷神行揚翠旗天臨肅清警伊臣從下
列逢恩信多幸康衢雖已忝弱力將安騁

春日臨池

光風動春樹丹霞起暮陰嵯峨映連壁飄颻下散金徒
自臨濠渚空復撫鳴琴莫知流水曲誰辨遊魚心

詠花蝶

素蝶向林飛紅花逐風散花蝶俱不息紅素還相亂芬
芬共襲手歲華從可玩不慰行客心遽動離居歎

相國清河王挽歌

高門詎改轍曲沼尚餘波何言吹樓下翻成薤露歌

白鼻騮

以下樂府

少年多好事攬轡向西都相逢狹斜路駐馬詣當爐

高門結襪子

誰能訪故劍會自逐前魚裁紈終委篋織素空有餘

安侯曲

封疆在上地鍾鼓自相和美人當牕舞妖姬掩扇歌

燉煌樂

客從遠方來相隨歌且笑自有燉煌樂不減安陵調

涼州樂歌

遠遊武威郡遙望姑臧城車馬相交錯歌吹日縱橫

路出玉門關城接龍城坂但事絃歌樂誰道山川遠

擣衣

詩話補遺

長安城中秋夜長佳人錦石擣流黃香杵紋砧知近遠
傳聲遞響何淒涼七夕長河爛中秋明月光蠨螭塞邊
絕候鴈鴛鴦樓上望天狼

高孝緯

空城雀

百雉何寥廓四面風雲上紈素久為塵池臺尚可仰啾
啾雀噪城鬱鬱無歡賞日暮縈心曲橫琴聊自獎

王容

大堤女

寶髻耀明璫香羅鳴玉珮大堤諸女兒一一皆春態入
花花不見穿柳柳陰碎東風拂面來由來亦相愛

王德

春詞

春花綺綉色春鳥絃歌聲春風復蕩漾春女亦多情愛
將鶯作友憐傍錦為屏回頭語夫婿莫負艷陽征

周南

晚粧

青樓誰家女當窻啓明月拂黛雙蛾飛調脂艷桃發舞
罷鸞自羞妝成淚仍滑願託嫦娥影尋郎縱燕越

祖叔辨

千里思

細君辭漢宇王嬙即虜衢寂寂人逕阻迢迢天路殊憂
來似懸旆淚下若連珠無因上林鴈但見邊城燕

袁曜

北史袁曜字景騰博學有俊才仕魏為
車騎將軍清河王懌文學未知是否

釋奠詩

南庠貴齒東學尚親卑躬下問降禮師臣圓冠濟濟方
領恂恂 肄業既終舍奠爰始韶音遞奏笙鏞間起茨
夏愔愔粹容疊疊德奢并慙陳信馬耻

王肅妻謝氏

贈王肅

伽藍記曰洛陽城南正覺寺尚書令王肅所
立也肅在江南娶謝氏女及至京師復尚公
主其後謝氏為尼來奔作詩贈肅公主亦代
肅贈謝肅聞之甚恨遂造正覺寺以懟之

本為箔上蠶今作機上絲得絡逐勝去頗憶纏綿時

陳留長公主

代答詩

針是貫紳物目中常維絲得帛縫新去何能衲故時

雜曲歌辭

無名氏

阿那瓌

北史曰阿那瓌蠕蠕國主也通典曰蠕蠕自
拓跋初徙雲中即有種落後魏太武神麌中
疆盛盡有匈奴故地阿那瓌孝明
帝時蠕蠕國主辭云匈奴主也

聞有匈奴主雜騎起塵埃列觀長平坂驅馬渭橋來

楊白花

梁書曰楊花武都仇池人少有勇力容貌雄
偉魏胡太后逼通之華懼及禍乃率其部曲

降梁胡太后追思之不能已為作楊白華歌使宮人連臂蹋足歌之聲甚悽惋南史白楊華本名白花奔梁後名華魏名將大眼之子

陽春二三月楊柳齊作花春風一夜入閨闈楊花飄蕩落南家含情出戶脚無力拾得楊花淚沾臆秋去春還雙燕子願銜楊花入窠裏

雜歌謠辭

無名氏

詰汾歌

北史曰北魏聖武皇帝諱詰汾嘗田於山澤欵見輜輶自天而下既至見美婦人自稱天女受命相偶且日請還期年復會于此言終而別及暮帝至先田處果見天女以所生男

詰汾皇帝無婦家力微皇帝無舅家

神元諱力微

咸陽王歌

授帝曰此君之子也當世為帝王即始祖神元皇帝也故時人諺曰北史曰後魏景明中咸陽王禧謀逆伏誅後宮人為之歌其歌遂流於江表北人之在南者聞弦管奏之莫不灑泣

可憐咸陽王柰何作事誤金牀玉肌不能眠夜踏霜與

露一作夜起

洛水湛湛彌岸長行人那得渡

裴公歌

北史曰裴俠大統中為河北郡守躬履儉素愛民如子郡舊有漁獵夫三十人以供郡守

俠曰以口腹役人吾所不為也悉罷之又
有丁三十人供郡守役俠亦不私並收庸為市
官馬歲時既積馬遂成群去
職之日一無所取民歌之云

肥鮮不食丁庸不取裴公貞惠為世規矩

李波小妹歌

魏書曰廣平人李波宗族疆盛殘掠不已公
私咸患百姓為之語曰——刺史李安世設
方畧誘波等殺
之州內肅然

李波小妹字雍容褰裙逐馬如卷蓬左射右射必疊雙

婦女尚如此男子安可逢

趙郡謠

北史曰後魏李曾道武時為趙郡太守令行
禁止并州丁零數為山東害知曾能得百姓
死力不敢入境賊於常山界得一死鹿賊長
謂趙郡地也責之還令送鹿故處其見憚如
此郡人為之謠

詐作趙郡鹿猶勝常山粟

二拔謠

北史曰永熙二年竇恭破余朱榮神武入洛
余朱仲部下都督張子期自滑臺歸命神武
斬之斛斯由是不安乃與南陽王寶炬等
構神武於魏帝故魏帝心貳於賀拔岳初孝
明之時洛下以兩拔相擊謠言——好事
者以二拔謂拓拔賀拔言俱將衰之兆

銅拔打鐵拔元家世將末

曲堤謠二首

北史曰後魏宋世良孝莊時為清河太守才識開明尤善政術郡東南有曲堤成公一姓阻而居之群盜多萃於此人為之語曰世良施八條之制盜奔他境人又謠曰

寧度東吳會稽不歷成公曲堤

又

曲堤雖險賊何益但有宋公自屏跡

河東謠 歌元淑

秦州河東杼柚代春元公至止田疇始理

洛中童謠二首

北史曰朱彥伯節閔帝時封博陵郡王位侍中及張勸等掩襲朱世龍神武執彥伯與世隆同斬於閭闔門外懸首於斛斯椿門樹先是洛中謠曰至是並驗

三月末四月初楊灰簸土覓真珠

頭去項脚根齊驅上樹不須梯

後魏宣武孝明時謠

北史曰孝武帝永熙三年遇酖而崩初宣武孝明間謠曰一一識者以為索謂魏本索髮焦梨狗子指字文泰泰小字黑獺也

狐非狐貉非貉焦梨狗子齧斷索

東魏童謠

可與及車親
節都誰與比
始矣

東魏紀曰

孝武帝既入關渤海王高歡議立清河王子善見以奉明帝之後是為孝靜皇帝遷都於鄴為東魏自是軍國政務皆歸相府先是童謠曰一一按青雀子謂靜帝實清河王之世子鸚鵡謂齊神武即高歡也後竟為齊所滅

可憐青雀子飛來鄴城裏羽翮垂歆成化作鸚鵡子

府君頌

北史曰呂顯字子明皇始初拜鉅鹿太守清身奉公百姓頌之

時惟府君克清克明緝我荒土人胥樂生願壽無疆以

享長齡

三王歌

後魏書曰濟南王元或與從兄安豐王延明中山王熙齊名時人為之語曰

三王楚楚盡琳瑯未若濟南備圓方

袁祖諡

北史曰祖瑩與陳郡袁翻齊名秀出時人為之語曰

京師楚楚袁與祖洛陽翩翩祖與袁

李謚歌

北史曰李謚少好學周覽百氏初師事小學博士孔璠數年後璠還就謚請業同門生為

之語

青成藍藍謝青師何常在明經

青女遊黃道... 有... 賦... 賦...

曰...

此... 曰... 李... 詩... 賦... 賦... 賦...

李... 賦...

京... 賦... 賦... 賦... 賦...

山... 賦... 賦... 賦... 賦...

行... 賦... 賦... 賦... 賦...

三... 賦... 賦... 賦... 賦...

詩紀卷之一百九

日... 賦... 賦... 賦... 賦...



